

Gvangjsih Minzczuz Bau

ganhhau: CN45-0036 B.2019 Nd.7 Ng.31 liggaueq geijhailh nienz ndwenloeg ngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3385期

Bi 2019 Sawcuengh Vahcuengh Suijbingz Gaujsi Youq Gvangjsih Minzczuz Dayoz Gauj

Ndwen 7 ngoenz 28 banhaet, bi 2019 Sawcuengh Vahcuengh sui jbingz gaujsi youq Gvangjsih Minzczuz Dayoz gauj. Baez gaujsi neix gungh miz 538 boux gaujseng camgya gaujsi, gaujseng cujyau daj Namzningz、Liu jcouh、Fangzcwnzg gangj、Ginhcouh、Gvei-gangj、Baksaek、Hozciz、Lai zbinh、Cungzcoj daengj 10 aen si daeuj, lij miz mbangj gaujseng daj Yin znanz Swngj Vwnzsanh Couh Gvangjnanz Yen daeuj dem. Ngoenzhaenx, Swcigh Minzcunghvej fucujyin Vei h Yungj hungz, fusinzsiyenz Yiz Feih caeuj Gvangjsih Minzczuz Dayoz gvendaengz lingj dauj canzyawj gaujciengz.

Gaujsi neiyungz baugvat Sawcuengh Vahcuengh yaemvah、sawloih、

vahfap、coenzvah、gap sawloih cau h coenzvah、yawjdoeg roxyiuj、fanhoiz (Cuengh hoiz Gun、Gun hoiz Cuengh) caeuj raiz faenzcieng daengj fuengmienh cihsiz, cujyau dwg gauj gij naengzlig yungh Sawcuengh Vahcuengh. Gaujsi faen cogaep、cungaep、gaugaep 3 aen daengjgaep, saedhengz doengjit daihgang、doengjit okdae z、doengjit habgek biucinj、doengjit guenleix saenqsik caeuj doengjit mbawcingq daengjgaep. Gaujsi yungh bizsi hingz sik guh, gaujsi faensoq dwg 100 faen, gaujsi cingzok 60 faen dwg faensoq habgek, 80 faen (baugvat) doxhwnj dwg daengj gyap, 60 faen doxhwnj 80 faen doxroengz dwg daengj iet. Danhfanz bouxgaujseng gauj ndaej

habgek faensoq doxhwnj, Swcigh Minzcunghvej couh fat mbawcingq gvendaengz daengjgaep hawj de.

Ciuq cam rox, daj bi 2012 byonghbilaeng doxdaeuj, Namzningz Si Minzyijvej daengj gvendaengz danhvei ciu vunz caeuj Vujmingz daengj yienh gih gvangjbo densidaiz ciu bouxboq-yaem lanzmoeq Vahcuengh cungj iugouz vunz bauq gauj itdingh gauj ndaej Sawcuengh Vahcuengh sui jbingz gaujsi mbawcingq gvendaengz daengjgaep; Gvangjsih Gyauyuzdingh、Gvangjsih Minzczuz Dayoz、Namzningz Swhfanz Dayoz daengj doiq hagseng gvendaengz ciennieb camgya Sawcuengh Vahcuengh sui jbingz gaujsi hix dingh'ok gvidingh. (Cau Dwzfeih)

SIUSIK DINJ

● Ndwen 7 ngoenz 23, Sihbwz Gunghyez Dayoz、Yungzsuij Myauzczuz Swciyen Yenvej Cujcizbu lien zhab youq Yungzsuij Myauzczuz Swciyen Anh dai Yangh Gyanghcuz Cunh guh doengh gij hozdung yawj bingh mbouj aeu cien z、giensoengq doxgaiq daengj. Ganbu cizgungh cuj cizbu giensoengq doxgaiq、gyoengq canghyw yawj bingh mbouj aeu cien z haenx ndaej daengz gyoengq vunz dangdieg angqcoux.

(Liu Swjyenh)

● Ndwen 7 ngoenz 27, Sanhgyangh Dungcuz Swciyen banh aen hozdung baij gai doxgaiq cau hnieb aen hoih ciu vunz bi 2019 daihhagseng bizyez diegyouq Sanhgyangh ciepcuk mbanjranz caeuj couhnieb banggungz, ca mbouj geijlai bak aen giyez yungh yienhcie ngz ciu vunz、baij gai huq daegbied daengj hingz sik, gunghawj guhhong gangjvei hawj daihhagseng bizyez, mboujduenh coicaenh siufeiq banggungz.

(Gungh Bujangh)

● Bineix doxdaeuj, Lingzyinz Yen Cauzlij Yauzczuz Yangh Yangznangz Cunh aen doih guhhong vut gungz gunggeng ciuq dieg bae guh, sonyinx vunzmbanj haenq-rengz san huq faexndoe k doengzseiz, gyalai gyagoeng rangz, vunzmbanj yungh seizhoengq hwnj bya sou rangz moq, gai hawj lauxbanj hwnj ranz soucawx, ginggvaq gyagoeng baenz buenqcingzbinj le gai bae Cezgyangh daengj dieg, daiq nungzhoh caeuj ranzungzhohj laisou.

(Loz Hihhaij)

● Ndwen 7 ngoenz 26, Sihlinz Yen yungh aen cawjdaez dwg "gikcingz bogfeiz, caezgvaq cietndei", youq minzczuz gvangj cangz guh aen hozdung cietbogfeiz Yizcuz cezmu z lai cungj lai yiengh. Soengq roegvaiqughvaiquguz、guh ceiz、biujyenj ciengqgo diuqfoux、aen vanjvei dongfeiz daengj cezmu z ndei yawj, yinx ndaej geij cien vunz bouxhek caeuj vunz lai dangdieg caez angqgvaq cietndei.

(Lij Sivaz)

Lungzswng: Gwn Ngaizhumx Mbanjdung Beixnuengx Comz Gangjgoj



Ndwen 7 ngoenz 26, Lungzswng Gak Cuz Swciyen Lozgyangh Cin Dilingz Cunh Mbanjdung guh aen hozdung gwn ngaizhumx bi gvaq baez haenx, beixnuengx Dungcuz dangdieg ciengqgo diuqfoux doxcomz giz ndeu, caez gwn gijgwn ndei, doxcomz gangjgoj. Ndaw doz dwg beixnuengx Dungcuz biujyenj ciengqgo.

(Banh Cisiengz/潘志祥)

Lozcwngz: Hwngfat Dajciengx "Sae Dinghdan" Bang Vunzguhnaz Laisou

Geij bi neix daeuj, Lozcwngz Mulaujczuz Swciyen Genh'ai Yang h Dunggang Cunh yungh gijndei sw hyenz, haenqrengz hwngfat aen hanghmoeg dajciengx hwngfat "Saenaz + haeuxnaz", gaenxmaenx daiq vunz lai laisou baenz miz.

Ciuq cam rox, Genh'ai Yang h Dunggang Cunh dwg aen mbanj hojndoq, bi 2018 saedyienh vut gungz duet mauh, vih gyamaen h gij cwngzgoj vut gungz、daiq vunz lai byaij hwnj baenz miz haeuj siujgangh, bineix doxdaeuj, Dunggang Cunh caenhitbouh maeuzveh hwngfat cunh gaep

canjnieb. Ndae j daengz suhgi daih'it、doi h guhhong youq mbanj cuj ciz sonyinx, cunh dangjci hbu cuj ciz dangjyenz caeuj vunz lai ok rog bae damqcaz, caemhcai q ginggvaq hai hoih doxyaeng le, gietdingh yungh gij vunqsik "cwngfuj bued cien z、vunz lai ok rengz ok goeng caeuj diegnam h haeujguj" caeuj souik le ei cunh cizdij caeuj nungzhoh 2:8 faen leih youq aen cunh neix hwnjgu h aen hanghmoeg guhyien h dajciengx "saenaz+haeuxnaz".

Dieggoek guhyien h dajciengx "saenaz + haeuxnaz" youq gwnz giek

ndaem miz haeuxnaz ciuq dajciengx iugouz dajndongj haenznaz, seizneix dieggoek guhsat geiz nduj bued cien z 15 fanh maenz, cingjhab diegnaz 49 ranz vunzmbanj hwnjgu h baenz 100 mou x dieggoek dajciengx saenaz, gaenq cuengq faensae 1.2 fanh gaen, caemhcai q caeuj canghseng'ei q ciemdingh habdoengz cawxgai saenaz, gujsuenq bi 2019 aen hanghmoeg neix saenaz gai ndaej 100 fanh maenz, yaek ndeindei gyalai cunh cizdij souhaeuj caeuj hawj vunz lai laisou.

(Liu Gvanghfuz Veiz Yuzdai)